

# فيديو #٤٨٦ من مقاطع حظر التجول تدبر البقرة حلقة ٥١ الآي

٨٤-٣٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ستمية اربعة وتمانين من مقاطع حظر التجول والحلقة الخامسة عشر من حلقات تدبر سورة البقرة ارجو من حضراتكم تجميعوا المصاحف. امبارح تدبرنا قول الله تعالى يا بني اسرائيل اذكروا نعمتي -

[00:00:01](#)

انعمت عليكم ووافوا بعهدي اوف بعهدكم وايي فارهبون وامنوا بما انزلت مصدقا لما معكم ولا تكونوا اول كافر به ولا تشتتوا باياتي ثمنا قليلا وايي فاتقون ولا تلبسوا الحق بالباطل وتكتم الحق وانتم تعلمون - [00:00:33](#)

وقلنا ان كل ما خوطب به بنو اسرائيل من الوعظ والالوامر بتقوى الله والوفاء بالعهد وعدم المتاجرة بالدين وعدم تلبيس الحق بالباطل هو خطاب للمؤمنين ايضا. هو خطاب للمؤمن اليه يقرأ الايات بتدبر دلوقتي. ده مش كلام خاص ببني اسرائيل بس -

[00:01:09](#)

نبدأ بقى ايات حلقة الليلة. من الاية ثلاثة واربعين. اقرا معي كده واقيموا الصلاة واتوا الزكاة واركعوا مع الراكعين اتأمرون الناس بالبر وتنسون انفسكم وانتم تتلون الكتاب افلا تعقلون واستعينوا بالصبر والصلاة - [00:01:34](#)

وانها لكبيرة الا على الخاشعين الذين يظنون انهم ملاقوا ربهم وانهم اليه راجعون ايه قيمة ان ربنا يقول واركعوا مع الراكعين بعد ما قال واقيموا الصلاة واتوا الزكاة طب ما هو ما هو هيركعوا في الصلاة - [00:02:05](#)

واقيموا الصلاة. طب ليه بيقول واركعوا مع الراكعين؟ ما الصلاة فيها ركوع عايز اقول لكم ان بعض المفسرين قالوا اصل صلاة اليهود ما فيش فيها ركوع. لأ ما لا فيها ركوع - [00:02:37](#)

بعد ما قال واقيموا الصلاة الامر باقامة الصلاة وايتاء الزكاة مش جديد على بني اسرائيل هو اصلا في الديانة بتاعتهم وفي التوراة امر بالصلاة وبالزكاة كثيرا على فكرة يعني مسلا احنا في سورة الانبياء تدبرنا قول الله تعالى - [00:02:50](#)

ووهنا له ووهنا له اسحاق ويعقوب نافلة. وكلا جعلنا صالحين ائمة يهدون بامرنا واوحينا اليهم فعل الخيرات واقام الصلاة وايتاء الزكاة يبقى لما ربنا قال آ الاية ثلاثة واربعين واقيموا الصلاة واتوا الزكاة - [00:03:14](#)

ما قالش حاجة جديدة عليهم هو اصلا كل انبياء بني اسرائيل امروا باقام الصلاة وايتاء الزكاة بعد ما ربنا قال لهم خلي بالك بقى في الاية واحد واربعين وامنوا بما انزلت مصدقا لما معكم. يبقى لازم تؤمنوا بالقرآن. وللازم تؤمنوا بمحمد - [00:03:49](#)

يبقى لما اقول لكم هتقيموا الصلاة وتؤتوا الزكاة ده في اطار الجماعة الجديدة. يبقى لازم ايه؟ تركعوا مع الراكعين يعني الكلام ده مش هتعملوه في اطار النظام القديم. لا واقيموا الصلاة واتوا الزكاة واركعوا مع الراكعين. لابد من الانضمام للجماعة الجديدة والدخول

في الاسلام - [00:04:16](#)

والايمان بالقرآن وبنبوة محمد بن عبدالله ادي اول تأمل عندي اللي هي مسألة ليه واركعوا من الركعين بعده واقيموا الصلاة. بعض المنفصلين قالوا اصل اليهود ما عدش عندهم ركوع فاحنا زاد لهم الركوع - [00:04:44](#)

ابو اليهود عندهم ركوع التأمل الثاني في الاية ايه قيمة ذكر الزكاة بعد النهي عن انهم يشتتوا بايات الله ثمنا قليلا ربنا قال لهم ولا تشتتوا بايات الله ثمنا قليلا - [00:04:57](#)

لكن في اي اية خدناها امبارح اللي هي اهي. الاية واحد واربعين. وامنوا بما انزلتم مصدقا لما معكم ولا تكونوا اول كافر به. ولا تشتروا ايات ثمنا قليلا. ايه بقى - [00:05:25](#)

قيمة زكر الزكاة دلوقتي يعني انتم المفروض ما تضحوش بدين ربنا من اجل مصالح دنيوية من اجل ثمنا قليلا كده برضو ده المفروض العكس المفروض انكم تضحوا بالمصالح الدنيوية من اجل دين ربنا. المفروض تدفعوا زكاة - [00:05:43](#)

والزكاة هي تضحية. بالمال مصالح دنيوية. من اجل ارضاء الله ومن اجل دين الله ايتاء الزكاة عكس بيع الدين بيع الايات بثمان قليل. طيب التأمل التالت كل مرة ربنا بيأمر - [00:06:07](#)

بها او بيأمر فيها بايتاء الزكاة القرآن على المسلمين اي مرة ربنا امر فيها بايتاء الزكاة هي في حقيقة الامر امر بالعمل والانتاج والاستثمار وتكثير السروة عشان يبقى المسلم قادر على دفع الزكاة - [00:06:26](#)

وتحسين احوال فقراء المجتمع فلما ربنا يقول يأمر بايتاء الزكاة. اكيد مش بيأمر فقراء بايتاء الزكاة. الفقير والمسكين ليس عليه زكاة لما ربنا يأمر بايتاء الزكاة هو ايضا في طيات هذا الامر امر بالاستثمار والعمل وبالانتاج - [00:06:52](#)

تكفير الثروة عايز اقول لكم على حاجة موضوع الزكاة ده حد ادنى اتنين ونص في المية ما فيش مانع لما يكون فيه كده جائحة وفيه ناس عندها مشاكل كتيرة طلع زكاة سنتين - [00:07:13](#)

طلع زكاة ثلاث سنين مش هيحصل لك حاجة. مش هتتفقر ده سواء في حالة بني اسرائيل او غيرهم. الامر بالزكاة وربنا يجعلها من اعمدة الاسلام هو امر فيه طياته العمل والانتاج. طيب - [00:07:25](#)

لان الاسلام مش دين دراويش. يقعدوا في المسجد بدون عمل وفي حلقات الذكر. وغيرهم ينفق عليهم. لاً الرسول عليه الصلاة والسلام دخل لقي واحد كل ما يدخل المسجد يلاقي في المسجد بيصلي فسأل اشتغل ايه ده ما بيشتغلش - [00:07:40](#)

طول الوقت بيصلي في المسجد مين بينفق عليه؟ اخوه اخوه بيشغل وبينفق عليه الو لما يخلص قولوا له اخوه افضل منه اقرا بقى معي اربعة واربعين تأمرون الناس بالبر وتنسون انفسكم وانتم تتلون الكتاب - [00:07:56](#)

افلا تعقلون المعنى ده بصرف النزر بقى عن انه ربنا بيخاطب به بني اسرائيل. المعنى ده معنى عام جدا وخطر جدا تأمرون الناس بالبر وتنسون انفسكم وانتم تتلون الكتاب افلا تعقلون. المعنى الخاص هو ان احبار بني اسرائيل - [00:08:18](#)

كانوا بيقولوا للناس النبي اخر الزمان على وشك الظهور فلازم لما يزهر نتبعه فلما ظهر وتأكدوا ان هو محمد عليه الصلاة والسلام. وانه مش منهم هم كذبوه وكفروا به فربنا ايامهم الله انتم كنتم بتأمرؤا الناس انهم يتبعوه. ودلوقتي - [00:08:40](#)

انتم مش هتتبعوه تأمرون الناس بالبر وتنسون انفسكم وانتم تتلون الكتاب افلا تعقلون! مجانيين ولا ايه! ما تفكروش لكن المعنى العام ينطبق على الناس كلها تأمرون الناس بالبر وتنسون انفسكم وانتم تتلون الكتاب ينطبق على الشيوخ - [00:09:02](#)

اللي بيأمرؤا الناس بالاخلاق الطيبة وهم اخلاقهم سيئة ينطبق على المسؤولين اللي بيأمرؤا الناس بالالتزام بالقانون وهم اول ناس بيخالفوا القانون. ينطبق على الاب والام اللي بيأمرؤا اولادهم باداب معينة وهم - [00:09:27](#)

اول ناس بيخالفوها. فالمعنى ده من اهم المعاني اللي لازم المسلم يحذر من الوقوع فيه تأمرون الناس بالبر وتنسون انفسكم؟ وانتم تتلون الكتاب الرسول عليه الصلاة والسلام بيقول انه ليلة الاسراء والمعراج - [00:09:42](#)

بيقول اتيت ليلة اسري بي على رجال تقرض شفاههم بمقاريض من نار. يعني شفايفهم بتتقطع بمقصات من عارف اللمة بتاعة اللحام اللي بيقطع بها الحديد اهو لمة نار بتقطع الشفايف - [00:10:04](#)

قلت من هؤلاء يا جبريل؟ قال هؤلاء خطباء امتك الذين يأمرؤن الناس بالبر وينسون انفسهم وهم يتلون الكتاب افلا يعقلون خطباء امة محمد عليه الصلاة والسلام كل واحد بيتكلم على منبر - [00:10:26](#)

في المسجد او قناة يوتيوب او فيسبوك او منبر من اي منبر الناس بتسمعه واحد واقف بيتكلم في مدرسة. واحد واقف بيتكلم في جامعة. واحد واقف في منبر في مجلس الشعب. في اي حطة. اي حد بيتكلم والناس بتسمعه هيحاسب على كلامه - [00:10:53](#)

حساب عسير لو هو بيأمر الناس بشيء وهو ما بيعملوش وربنا يسترها علينا يا رب ويغفر لنا تذليل الاية افلا تعقلون! خطير يعني انتم

ما بتعرفوش تفكروا يعني ايه لا تكن جسرا او جسرا - 00:11:12

يعبر عليه الناس الى الجنة ثم يلقي به في النار دي حاجة انا اتعلمتها من مشايخي انت هتدعو ؟ طيب ما تبقاش كوبري الناس يعدوا عليه يدخلوا الجنة. وفي الاخر يترمي هو في النار - 00:11:36

الانسان اللي بيعظ الناس ويأمرهم بالمعروف وينهاهم عن المنكر هيبقى سبب في دخولهم الجنة اللي هيسمعوا كلامه هيدخله الجنة لكن لو هو ما بينفرش ده وعنده بقى حياة سرية عايش بقى بيمارس محرمات وبتاع سيلقى به في النار بعد ما الناس تعبر عليه -

00:11:56

من خلاله الى الجنة لا تكن جسرا يعبر عليه الناس الى الجنة ثم يلقي به في النار. طب ايه الحل بقى في حاجة زي كده حل لكل حد يتكلم مع الناس وعلى فكرة ده المفروض كلنا اصلا ما هو انت كخليفة الله في الارض انت من وزائفك انك تدعو - 00:12:17

الحل التربية الايمانية والتربية الروحية واحنا قلنا قبل كده عندنا دورتين اتنين موجودين على اليوتيوب اسمهم التربية الايمانية والتربية الروحية دول مهمين جدا لا انا اعتقد كل مسلم لازم يحضرهم ويعمل الواجبات اللي فيهم. عشان ينمي نفسه ايمانيا ونفسيا -

00:12:39

قبل ما يبدأ يؤثر في حياة الناس. احد العلماء قال مثل الذي يعلم الناس الخير ولا يعمل به كالسراج يضيء للناس ويحرق نفسه سراج عبارة عن اللبة بتاعة الجاز لمبة الجاز بتاعة الفلاحين - 00:13:01

اللي فيها فتيل الفتيل ده بيتحرق عشان ينور للناس. والفتيل بيتغير كل كام يوم لانه خلاص اتحرق اللي بيعلم الناس الخير ولكن هو ما بيطبّقش ده على نفسه زي السراج. يحرق نفسه - 00:13:27

وبينور للناس طيب اقرا معي خمسة واربعين واستعينوا بالصبر والصلاة وانها لكبيرة الا على الخاشعين الذين يظنون انهم ملاقوا ربهم وانهم اليه راجعون. طيب الواحد لما مش هيلبس الحق بالباطل ومش هيطبل للظالم ومش هيبزر للمجرمين ومش هيبيع دين ربنا من اجل الدنيا. ممكن ده يؤدي الى - 00:13:44

فقدان او فقدان بعض المصالح الدنيوية وبعض المال الحرام او السحت اللي كان هيجي له نتيجة نفاقه وتطيله يعمل ايه واحد بقى لما يشوف المصالح دي بتفقد يستعين بالصبر والصلاة - 00:14:15

الطاعة تحتاج صبر ما انت بتطيع ما انت بتطيع شايف آ زمايلك كلهم عمالين يغيروا آ بيوتهم ويجيبوا فلل ويجيبوا عربيات كبيرة وبتاع وانت عشان ما بتاخدش رشوة وقاعد مكانك انت لسة بالعربية المهجعة او بتركب آ ميكروباس - 00:14:35

محتاج صبر على الطاعة الطعام محتاجة صبر والصلاة هي قناة التواصل مع الله اللي الانسان بياخد من ربنا الوقود عشان يدي له طاقة تعينه على اداء وزيفته في الدنيا عشان يستعين بربنا على مهام الخليفة - 00:14:56

النبي عليه الصلاة والسلام اول ما نبى يعني بقى نبى ربنا امره بالصلاة يا ايها يا ايها المزمّل قم الليل الا قليلا. ابدأ افتح قناة تواصل وخذ بقى بنزين عشان تقدر تمشي في طريق - 00:15:20

في دعوتك نفس الكلام. واستعينوا بالصبر والصلاة اني جاعل في الارض خليفة. مهام الخلافة تحتاج ان الانسان يستعين عليها بالصبر والصلاة الصلاة هي تواصل مع الله يبقى واستعينوا بالصبر والصلاة - 00:15:38

وانها اللي هي الصلاة. لكبيرة الا على الخاشعين يعني ايه ؟ الصلاة ثقيلة القرآن بيقر ان الصلاة ثقيلة على قلب الانسان. اه خمس مرات وكل يوم بدون توقف ولازم نقوم نتوضى وانها لكبيرة الا على الخاشعين. الانسان اللي بيشعر بالخشوع - 00:15:56

في الصلاة لن يجد الصلاة ثقيلة. ابدأ هتبقى على قلبه زي العسل والتاني على قلبه ثقيلة اللي بيصلي بدون خشوع في نوعين من الصلاة الصلاة بنستريح منها وصالة بنستريح بها - 00:16:21

الصلاة اللي بنستريح منها هي اللي بنفكرها في اخر لحزة بيقول لك ايه ده فاضل اربع دقائق على المغرب طب يا جماعة قوموا بسرعة نقوم قايمين بسرعة جري نطش وشنا من شوية مية ونعمل نفسنا كده بنتوضى واي كلام اي كلام وبسرعة طلّس الوضوء

ونقوم بسرعة فاردين السجادة والله اكبر - 00:16:43

ونقوم خاطفين الاربع ركعات واحنا في اخر ركعة نسمع اذان المغرب الحمد لله استريحنا من العصر مش بالعصر استريحنا من صلاة العصر انما النبي عليه الصلاة والسلام كان بيستريح بالصلاة - [00:17:02](#)

مش من الصلاة يعني ايه يعني كان لما يدخل وقت الصلاة بيقول ارحنا بها يا بلال. يلا قم اذن. ارحنا بها يعني ايه ارحنا بها يا بلال؟ يعني قاعد مشتاق للصلاة منتظرها - [00:17:23](#)

فاضل عشر دقائق لسة معلش خمس دقائق خلاص ثلاث دقائق الدقيقتين دقيقة يلا ارحنا بها يا بلال يعني منتزعين الصلاة مش بنفكرها في اخر لحزة لا طيب نقوم بقى ما خلاص العشاء اذنت نقوم بقى نسبغ الوضوء ونقف عشان نصلي فنخرج الى السماء. ما الصلاة معراج المؤمن - [00:17:37](#)

طيب نعمل ايه عشان نخشع في الصلاة؟ انا حاولت كتير اخشع في الصلاة ما فيش فائدة يعني حاولت اه حاولت والله حضرتك ما بيحصلش خالص اي حاجة. ما فيش حالة بتحصل لي. ما فيش حد بينزل علي. سيدنا جبريل مش بينزل على حد من اكثر من الف وربعمية سنة خلاص - [00:18:00](#)

عشان بس الناس فاهمة لو سيدنا جبريل هينزل عليك فهتخشع لازم يبطل ينزل على حد خلاص امال ايه الخشوع ده؟ الخشوع مش حاجة بتحصل صدفة. الخشوع هو حالة انت بتستحضرها في قلبك - [00:18:18](#)

حاجة انت بتحضرها في طريقة تحضير للخشوع. وعندنا محاضرة اسمها روح الصلاة بتعلمنا ازاى نستحضر الخشوع المطلوب منك ان انت بعد ما تتفرج على المحاضرة دي المحاضرة دي ازن انها المحاضرة رقم ستة او سبعة في دورة التربية الایمانية. اسمها روح الصلاة ممكن تتفرج عليها لوحدك - [00:18:33](#)

آآ لوحدنا الاول يعني مش لازم تتفرج بالترتيب ومن يعني من التعليقات اللي بتيجي كتير جدا على المحاضرة دي انها المحاضرة الوحيدة اللي لها اثر فوري فورا بعد المحاضرة - [00:18:57](#)

بالاثر بشرط اول ما تخلص المحاضرة بتقوم تقف وتصلي اي فرض او تصلي ركعتين تتدرب على اللي انت سمعته ما انت بتسمع ازاى تحضر الخشوع في قلبك قم اتدرب فورا بعد المحاضرة - [00:19:10](#)

هتجد ان حياتك بتتغير. لان صلتك بالله بتتغير لان صلاتك بتتغير صلاتك هي صلتك بالله. لو اتحسننت انت حسنت صلتك بالله طيب خلاص هنتفرج على محاضرة روح الصلاة علشان نتعلم ازاى نستحضر الخشوع - [00:19:29](#)

بس طب يعني حضرتك شوقتنا كده ممكن لمحة صغيرة كده ايه يعني اللي هنسمعه في المحاضرة ده؟ عايز تعرف ايه؟ اقرا الاية خمسة واربعين وستة واربعين واستعينوا بالصبر والصلاة. وانها لكبيرة الا على الخاشعين الذين يظنون انهم - [00:19:51](#)

ملاقوا ربهم وانهم اليه راجعون مفتاح الخشوع في الصلاة. واول حاجة هتتعلمها في المحاضرة دي انك تتخيل نفسك واقف بعد الموت بين ايدين ربنا. علشان تحاسب خلاص اتجهت للقبلة تخيل انك واقف على الصراط - [00:20:12](#)

على اليمين الجنة بنعيمها على الشمال النار بلاهبها دي بتحاول تاخذك ودي بتحاول وبعدين واقف تتحاسب هو ده اساس يخليك تستحضر الخشوع لكن طبعا لابد من ايه من مشاهدة المحاضرة دي يا جماعة - [00:20:32](#)

طيب الذين يظنون انهم ملاقوا ربهم. وانهم اليه راجعون. يعني ايه يظنون؟ يظنون يعني اكيدين انهم هيلاقوا ربهم بس مش متيقنين مية في المية اليقين مية في المية بيبقى مع الحواس - [00:20:50](#)

انا دلوقتي شايف الماچ ده قدامي. اذا انا متيقن مية في المية انه موجود طيب انا حطيت الماچ ورايا وراء ظهري. خلاص على الكنبه او على ترابيزة واندورت بكلمكم المجرى لسة حطه ورايا دلوقتي - [00:21:12](#)

اظن ان الماچوراية يعني انا متأكد ان الماچوراية بس مش مية في المية قد في احتمال ولو صغير ان حد يكون جه من ورايا وانا مش واخذ بالي وخده وشاله - [00:21:35](#)

فالظن هنا هو درجة عالية لكنها مش اعلى درجة من درجات اليقين خلاص يكفي الظن ها عشان خاطر تفلح ربنا مش طالب منك اليقين مية في المية قوي مجرد الظن ده كويس قوي كفاية عليك - [00:21:47](#)

خلاص اذا وصلت لليقين دي درجة الاحسان. ما هو بص بقى في عندنا حديث معروف حديث جبريل اللي هو آآ الاسلام والايمان

والاحسان وقلنا الاحسان هو ايه؟ الاحسان هو. ان تعبد الله كأنك تراه - [00:22:06](#)

ان لم تكن تراه في غيرك. يعني ايه كانك تراه يعني لو ربنا ظهر قدامك وبقيت بتشعر بربنا بحواسك ايمانك مش هيزيد اكثر من كده

خلاص. يعني ايمانك وصل غيبا بالغيب الى درجة اليقين - [00:22:24](#)

بالكامل مية في المية وكأنك ترى الله وانت لا ترى ان تعبد الله كأنك تراه. اذا هناك درجة اقل من الايمان مقبولة ايضا. وهي الدرجة

دي. اللي هي الذين يظنون - [00:22:41](#)

انهم ملاقوا ربههم وانهم اليه راجعون تمام؟ طيب سبعة واربعين يا بني اسرائيل اذكروا نعمتي التي انعمت عليكم واني فضلتكم على

العالمين ثاني ربنا بيذكرهم بنعمته عليهم اول مرة لما اخاطبهم في الاية اربعين - [00:22:55](#)

الاربعة فاكرينها يا بني اسرائيل اذكروا نعمتي التي انعمت عليكم واوفوا بعهدي اوفي بعهدكم واياي فارهبون ثم بعدها ذكرهم باهمية الايمان بمحمد وبالقرآن وان ده وفاء بالوعد. وطالما ان من نعمه عليهم انه ارسل لهم انبياء كثير. فهم مش مفروض يحسدوا -

[00:23:25](#)

عرب على ظهور نبي اخر الزمان من بينهم. والنبي اللي زهر ده هو النبي اللي بشرت به التوراة من بينهم. فالتذكير بالنعم ده بيقلل

الحسد ويقلل للحقد والغيرة ثم في سبعة واربعين بقى بيذكرهم مرة اخرى بنعمته عليهم بس المرة دي بقى قال لهم ايه كمان -

[00:23:47](#)

قال لهم يذكروا يذكروا ان ربنا فضلهم على العالمين وقلنا ان في نعم خاصة كانت لبني اسرائيل. منها وجود عدد مهول من الانبياء في

امتهم. وده لم يحدث في اي - [00:24:09](#)

في امة اخرى ومنها طبعا ان ربنا خلصهم من العبودية للاقباط في مصر. وانه اهلك عدوهم فرعون غرقا هو وجنوده قدام عينيههم.

وانزل عليهم اعزم شاب يعني حتى وقت نزول القرآن كان هو اعظم كتاب اللي هو التوراة. واثناء التيه في سيناء ربنا انزل عليهم

المن - [00:24:27](#)

حلوة ونصرهم على اعدائهم في معاركهم ضد آآ يعني ضد الفلسطينيين في الوقت دوت. طبعا الفلسطينيين هيزعلوا مني دلوقتي.

لكن طبعا الفلسطينيين مين المسلمين لازم يفهموا ان هم انتمائهم عقائديا لامة آآ بني اسرائيل الموحدة. الموحدة. اه الانتماء العرقي

ده حاجة - [00:24:49](#)

ولكن احنا اجيال من الامم الامة المسلمة كانت مرت باجيال منها حوالي الفين سنة كانت امة بني اسرائيل اللي هم اتباع سيدنا موسى

الحقيقيين اللي قال لهم آآ وقال موسى يا قومي ان كنتم امنتم بالله فعليه توكلوا ان كنتم مسلمين. مسلمين - [00:25:10](#)

سيدنا موسى مسلمين. طيب ليه بقى ربنا بيذكرهم ثاني بالنعم هنا سبعة واربعين مش هتفهم الا في زل الاية اللي بعدها لازم تقرا

سبعة واربعين وتمانية واربعين مع بعض عشان تشع بالحكمة من تذكير بني اسرائيل ثاني بالنعمة - [00:25:30](#)

بقى معي سبعة واربعين وتمانية واربعين وركزوا معي في الحنة دي يا بني اسرائيل اذكروا نعمتي التي انعمت عليكم واني فضلتكم

على العالمين واتقوا يوما لا تجزي نفس عن نفس شيئا ولا يقبل منها شفاعة ولا يؤخذ منها عدل ولا هو - [00:25:52](#)

ينصرون. يعني ايه؟ ربنا فكرهم بالنعمة ومنها انه فضلهم على الامم الاخرى في هذا الوقت وده بيرفع عندهم ايه بقى؟ الشعور

بالعزة والكرامة وده مهم ان المؤمن يشع بكرامته وبعزته - [00:26:18](#)

واللي يشع بالعزة والكرامة المؤمن لما يشع بالعزة والكرامة هيترفع عن الرذائل وما فيش رذيلة اكبر من رذيلة الكفر. فربنا بيرفع

معنوياتهم ويشعهم بالشرف والكرامة وانه فضلهم على العالمين ما تجيش تخيبه بقى وتكفره دلوقتي - [00:26:36](#)

قيمتهم المقصود بها ايه؟ طيب. وعشان ربنا رفعهم في حنة العزة والشرف والكرامة عشان الموضوع بس ايه ما ياخدش حد اكبر من

حده وينقلب الى غرور راح مفكرهم في الاية تمانية واربعين - [00:26:58](#)

بسرعة ان في يوم حساب وانهم هيتحاسبوا زي اي انسان ثاني واتقوا يوما لا تجزي نفس عن نفس شيئا. اوعى تكون فاكر عشان



عندكم انبياء كثير هيشفعوا لكم. لا انتم دي ففي سبعة واربعين رفع من شعورهم بالعزة والكرامة عشان يترفعوا عن رذيلة الكفر

دلوقتي بمحمد. بس قبل ما الموضوع ياخذ - [00:27:12](#)

حد اكبر من حده معهم. فكرهم على طول. واتقوا يوما اليوم ده لا تجزي نفس عن نفس شيئا. اوعوا تفتكروا ان عشان عندكم الف نبي هينفعوكم. لا ابدأ هتحاسبوا زي اي انسان اخر. طيب - [00:27:36](#)

وهو ده طبعي على فكرة ده اقول لك على حاجة ده المفروض حسابهم بيقى اكبر. ما هو اللي بياخد الف جنيه في الشهر هيتحاسب على الف جنيه. لكن اللي بياخد عشر تلاف جنيه هيتحاسب على العشر تلاف جنيه - [00:27:59](#)

طيب اقرا بقى الاية تمانية واربعين ثاني كده واتقوا يوما لا تجزي نفس عن نفس شيئا ولا يقبل منها شفاعا ولا يؤخذ منها عدل ولا هم ينصرون اتقوا يوم يعني احموا نفسكم من يوم الحساب ده - [00:28:09](#)

لان ما فيش نفس هتجزي عن نفس تانية اذا احنا عندنا نفسين نفس جازية ونفس مجزي عنها النفس الجازية اللي هتحاول تخدم النفس الغلابة اللي محتاجة مساعدة اللي هي المجزي عنها دي. هتساعدنا ازاى؟ الناس في - [00:28:25](#)

دنيا هتساعد بعض بتلات طرق لو انت شفت واحد ممسوك وهيتعاقب وعاوز تساعد عندك تلات طرق اول طريقة تحاول تشفع له. فتروح للزابط تقول له عشان خاطري. ده انا جارك اللي في عشان خاطري اتركه المرة دي - [00:28:45](#)

اشفع له الطريقة الثانية ادفع فدية تشوف هو هو كسر ايه دمر ايه خبط عربية قدامه وبتاع قلت له يا جماعة اتفضلوا ادي التعويض اهو وتدفع العدل العدل يعني في ما يعدل تمن الخسارة اللي سببها. تدفع العدل تدفع الفدية اسمها العدل - [00:29:03](#)

العدل هنا مش معناها العدل مش معناها جاستس يعني ماشي معناه حجم الخسارة اللي هو سببها تالت حاجة تالت طريقة انك تحاول تنصره بالقوة تقوم مخلصه وفاكك الكلبشات وتطلعوا تجروا انتم الاثنين - [00:29:23](#)

ربنا بيقول لبني اسرائيل ولنا احنا كمان خلي بالك ما انت بتقرا بتدبر بقى. انت مش قاعد عشان تسمع تضحك على بني اسرائيل! لا ده كله كلام! كل كلمة من دول لك - [00:29:40](#)

اتقوا يوما يعني اتقوا اليوم اللي ما فيش فيه حد هيعرف يخدمكم باي طريقة من التلات طرق دول. واتقوا يوما لا نفس عن نفس شيئا. ما حدش هينفعكم في اليوم ده. ولا يقبل منها شفاعا. لو نبي من انبيائكم عاوز يشفع لكم - [00:29:51](#)

يؤزن له ولو شهيد من شهدائكم. قال يا رب سامحهم عشان خاطري لن تقبل شفاعته. في ذنوب معينة ربنا لن يسمح بشفاعة حتى الان كمل. ولا يؤخذ منها عدل ولو حاولتم تدفعوا تعويض عن الخسائر اللي سببتوها مش هيؤخذ منكم تعويضات. ما فيش تعويضات

يوم - [00:30:11](#)

ما فيش حاجة اسمها ادفع غرامة واخرج. لا. ادفع كفالة. لا ولا هم ينفرون ما حدش هيقدر ينصركم باي طريقة. لا حد يقدر يبجي يفك الكلبشات وتطلعوا تجروا قليل ما فيش الكلام ده خالص - [00:30:34](#)

يبقى التلات طرق اللي الناس بتساعد بعضها في الدنيا مش واردة في الآخرة مش فاضل غير ايه يبقى الامن شيء واطمن شيء ان الواحد يروح وربنا راضي عنه غير كده وسائل النجاة الاخرى غير مضمونة - [00:30:48](#)

واحد ابوه قاضي فيبمشي وهو مطمئن ان ابوه حامي. البوليس لو مسكه وهو بيعمل مخالفة ضامن الشفاعة ابوها هيطلعه منها. مش اصلا الغرامة مش هتدفع واحد ابوه مليونير فييكسر الاشارة ويخالف السرعة ويكسر وعارف ان فيه رادار. بس ايه يعني تلتमित

جنيه - [00:31:07](#)

هو هيدفع العدل هيدفع الغرامة واحد ابوه زعيم المافيا. فيخالف وعارف انه سينصر لو اتمسك ده اسم البوليس كله هيقترحم.

والمافيا هتطلعه وتنصره. فالتلات طرق بتوع الدنيا دول البلطجة دي - [00:31:26](#)

انسوا فالواحد يحترم نفسه ويجي بالحاجة المضمونة الوحيدة وهي رضا الله ربنا يرضى عنا وعنكم ان شاء الله تتوقف هنا الليلة

اللهم انا نسألك حبك وحب من يحبك وحب كل عمل يقربنا الى حبك - [00:31:40](#)

اللهم ما رزقنا ما نحب فاجعله قوة لنا فيما نحب. وما زويت عنا مما نحب فاجعله فراغا لنا فيما نحب اللهم اجعل حبك احب الينا من

اهلينا واموالنا ومن الماء البارد على الظمأ. اللهم حببنا اليك والى ملائكتك وانبيائك - 00:32:01

ورسلك وعبادك الصالحين. واجعلنا ممن يحبك ويحب ملائكتك وانبيائك ورسلك. وعبادك الصالحين. الله اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا اللهم اجعل حبنا كله لك وسعينا كله في مرضاتك. اللهم

اجعل القرآن الكريم ربيع قلوبنا ونور - 00:32:19

صدورنا وجلء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي

وحسناتكم جميعا. اللهم فاطر السماوات والارض. عالم الغيب والشهادة. انت تحكم بين عبادك فيما كانوا - 00:32:49

وفيه يختلفون فبحق كل حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولا هم. واحفظنا

واياهم من شرورهم. ونجعلك اللهم في نحورهم. فانت الوكيل ولا حول ولا قوة الا بك - 00:33:09

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وكن مع اخواننا في باكستان الشرقية وفي كشميرا وفي الهند وفي سريلانكا وفي الشام. وانصر كل من نصرهم واخذل كل من خذلهم. وظهر المسجد الاقصى من

الدنس - 00:33:29

فانهم لا يعجزونك. اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على

دعوتك وتعاهدت على نصره شريعتك. فوثق اللهم برابطتها وادم ودها - 00:33:49

واهدها سبلها واملاها بنورك الذي لا يخبو. واشرح صدورها بفيض الايمان بك وجميل التوكل عليك. واحبها يا ربنا بمعرفتك وامتها يا

مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى اله وصحبه ومن تبع هداة.

والسلام عليكم ورحمة الله وبركاته - 00:34:09

نراكم غدا باذن الله بنفس هذا الموعد ان كنا من اهل الدنيا - 00:34:34